



**KENYATAAN MEDIA**  
**KEMENTERIAN KESIHATAN MALAYSIA**  
**HOSPITAL TUNKU AZIZAH**

**ISU TULAR BERTAJUK “BOLEH MATI ANAK SAYA!” TERPAKSA  
TUNGGU 12 JAM UNTUK DIRAWAT, DOKTOR TAMPAK DEDAH  
SITUASI SEBENAR”**

---

1. Hospital Tunku Azizah (HTA) ingin merujuk kenyataan berkaitan isu yang tular di media sosial bertajuk **“Boleh Mati Anak Saya!” Terpaksa Tunggu 12 Jam Untuk Dirawat, Doktor Tampak Dedah Situasi Sebenar.**
2. Pada masa kini terdapat peningkatan mendadak kes-kes yang diterima di Jabatan Kecemasan Pediatrik, HTA bagi kes-kes Respiratori dan penyakit berjangkit seperti Penyakit Kaki, Tangan dan Mulut (HFMD) dan denggi. Prosedur Jabatan Kecemasan Pediatrik adalah mengutamakan kes-kes kritikal akan tetapi tidak mengabaikan perkhidmatan perawatan bagi kes-kes di zon separa kritikal dan zon tidak kritikal. Proses konsultasi pesakit kanak-kanak memerlukan perhatian yang lebih teliti dan waktu yang lebih lama kerana ianya melibatkan komunikasi bersama pihak ketiga iaitu ibu bapa atau penjaga.
3. Peningkatan kes mengakibatkan pertambahan kemasukan pesakit di wad. Bilangan kemasukan ke wad seringkali melebihi bilangan katil yang tersedia.

4. Langkah-langkah yang diambil untuk mengatasi keadaan tersebut adalah seperti berikut:-
  - a. Ruang rawatan transit telah diwujudkan di Jabatan Kecemasan Pediatric; dan
  - b. Tambahan wad *step-down* pediatric untuk menambahkan kapasiti wad pesakit dalam.
5. Jabatan Kecemasan Pediatric telah mendapat bantuan tenaga kerja dari Hospital Kuala Lumpur sebagai salah satu konsep hospital kluster.
6. Pihak Hospital sentiasa prihatin dengan keperluan pesakit termasuk waris/penjaga. Justeru, pihak hospital akan terus memantau trend peningkatan kes-kes di Jabatan Kecemasan HTA dan menjalankan usaha yang bersesuaian dengan situasi semasa demi memantapkan penyampaian perkhidmatan kepada pesakit.

**PENGARAH  
HOSPITAL TUNKU AZIZAH**

**28 JUN 2022**